

Aalisakkanit nioqqutissianik uillunillu uumasunik il.il. kiisalu taakkunannga sinneruttut aamma sinneruttunit taakkunannga nioqqutissiat sananeqartut eqqunneqarneranni killeqarfimmik nakkutilliinermut akiliineq pillugu Kalaallit Nunaannut nalunaarut

Inuussutissat il.il. pillugit inatsisip Kalaallit Nunaanni atortuulersinneqarnissaanik peqqussummi nr. 523-imi, 8. juni 2004-imeersumi § 53, imm. 2 malillugu, aamma Uumasuni nappaatit tunillannartullu pillugit inatsisip Kalaallit Nunaanni atortuulersinneqarnissaanik peqqussummi § 33, imm. 2 malillugu, Fødevarestyrelsip aamma Namminersorlutik Oqartussat suliaat pisinnaatitaaffilu inuussutissanut uumasullu nakorsaqaarnermut tunngasut Miljø- og Fødevareministerimit aqunneqartut pillugu nalunaarummi nr. 1005-imi, 25. August 2017-imeersumi § 3, imm. 1-imi aamma 2-mi piginnaatitsissut malillugu aalajangersarneqarpoq:

§ 1. Aalisakkanit nioqqutissianik uillunillu uumasunik il.il. kiisalu taakkunannga sinneruttut aamma sinneruttunit taakkunannga nioqqutissiat sananeqartut, eqqunneqartut, ingerlateqqitassatut assartorneqartut imaluunniit nunamit pingajuusumit usilersoqqinneqartut pillugit killeqarfimmik nakkutilliinermi akiliisarneq nalunaarummi matumani pineqarpoq.

§ 2. Nalunaarummi matumani tuliuttut ima paasineqassapput:

- 1) Aalisakkanit nioqqutissiat: Immami tarajulimmi- aamma tarajoqanngitsumi uumasut tamarmik (uillut uumasut il.il. kiisalu uumasut miluumasut, uumasut paarmortut aamma naratsit minillugit), taakku nujuartuuppata imaluunniit kinguaassioortitaappata apeqqutaatinngu kiisalu uumasunit taakkunannga nerineqarsinnaasut tamaasa, timaasa ilaat aamma nioqqutissiat tamaasa.
- 2) Uillut il.il.: Uumasut qituttut marlunnik qaleruallit, tinumasulimmik amillit, immap uumasui qimerloqanngitsut allat aamma immap siuterui.
- 3) Uumasut qituttut marlunnik qaleruallit: Uumasut qituttut Lamellibranchiata-tut suussusillit, nerisassamik nerisamik millugunneqannginneranni nakkartitsisartut.
- 4) Nuna niueqatigineqartoq: EU-mi nuna, Kalaallit Nunaat, Norge, Island, Liechtenstein, Andorra, Savalimmiut aamma Schweiz. Nunat taakku tamarmik katillutik niueqatigiiffittut taaneqassapput. Sumiiffiit tulliuttut taamaattoq niueqatigiiffimmi ilaangillat:
 - a) Kunneqarfimmi Spaniami Ceuta aamma Melilla.
 - b) Kunngiitsuuffimmi Frankrig-imi nunat nunasiaataasimasut Frankrig-imilu nunap immikkoortiterneqarnerani nunap ilai.
- 5) Nunat pingajuusut: Nunat niueqatigiiffiup avataaniittut.

§ 3. Nunanit pingajuusunit aalisakkanit nioqqutissiat aamma uillut uumasut il.il. nerisassatut suliarineqartut eqqunneqarneranni killeqarfimmi nakkutilliinermut akitsuusiinikkut akileraarummik tonsimut 116 kr.-iusumik akiliisoqassaaq.

Imm. 2. Aalisakkanit nioqqutissiat uillullu uumasut il.il. imm. 1-imi ilaatinneqartut containerikkut eqqunneqarpata, taamaattoq taamaallaat nakkutilliinermut akitsuusiinikkut akileraarummik tonsimut 25 kr.-iusumik akiliisoqassaaq.

§ 4. Aalisakkanit nioqqutissianit uillunillu uumasunit il.il. sinneruttunit nioqqutissiat aamma sinneruttunit taakkunannga nioqqutissiat sananeqartut nunanit pingajuusuneersut eqqunneqarneranni killeqarfimmi nakkutilliinermut tunngaviusumik akiliut 288 kr.-iusoq akilerneqassaaq, tassungalugu ilanngullugu akunnerup kuartiisa aallartinneri tamaasa 433 kr.-it akilerneqassallutik.

§ 5. Aalisakkanit nioqqutissianik uillunillu uumasunit il.il. nerisassatut suliarineqartunik kiisalu taakkunannga sinneruttunik aamma sinneruttunit taakkunannga nioqqutissianik sananeqartunik ingerlateqqitassanik assartuinnermi imaluunniit usilersueqqinnermi tunngaviusumik akiliut 288 kr.-iusoq akilerneqassaaq, tassungalugu ilanngullugu akunnerup kuartiisa aallartinneri tamaasa 433 kr.-it akilerneqassallutik.

§ 6. Nunanit pingajuusunit nioqqutissianik taamaattunik akitsuuserisoqarfinnit, frizonit toqqorsiviinit aamma umiarsuarnik taquassalerinnermik suliffeqarfinnit pilersuinnermi taakkunanngalu allamut ingerlatitseqqinnermi §§ 3 aamma 4 taamatuttaaq atuutissapput.

§ 7. Nunanit immikkut ittunit, sumiiffinnit imaluunniit suliffeqarfinnit, aalisakkanit nioqqutissianik uillunillu uumasunit il.il. nerisassatut suliarineqartunik kiisalu taakkunannga sinneruttunik aamma sinneruttunit taakkunannga nioqqutissianik sananeqartunik immikkoortitanik, laboratoriami misissueqqissaarnissanut, EU-mi malittarisassat malillugit naalakkiutigineqartunut, nassiussinnermi aamma laboratoriami akuerisaasumi misissueqqissaarnermi aningaasartuutiviit akilerneqassapput.

§ 8. Qinnuteqartumi pissutsit pissutigalugu killeqarfimmi nakkutilliinernut naammassineqarsinnaanngitsunut, § 4-mi akigititat malillugit tunngaviusumik akiliutip assinga kuartinik 8-nik ilallugit akiliisoqassaaq.

§ 9. Nakkutilliinermut atatillugu nioqqutissianik suliarinninnermi aamma taamaaliortoqassappat toqqorsinnermi aningaasartuutit Fødevarestyrelsen susassarinnngilaa.

§ 10. Nalunaarut ulloq 15. juli 2025 atuutilissaaq.

Imm. 2. Aalisakkanik uillunillu uumasunik il.il. aammalu saniatigut pisarisanik taakkunanngalu tunisassiarineqartunik killeqarfimmi nakkutilliinerit akeqartinneqalernissaat pillugu Kalaallit Nunaanni atuutilersitsinissamik nalunaarut nr. 964, 27. juni 2023-imeersoq atorunnaarsinneqassaaq.